



## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

De episcopis qui rarò aut nunquam per seipsos plebes sibi commissas  
visitant. lxxxiiii.

**urn:nbn:de:hbz:466:1-10722**

*Ex decre. Calist. pæ episcopi per Gallia cõstitutis missis. cap. 15.* **S**I quis episcopus fuerit persecutus in sua Ecclesia, fugiendum illi est ad alteram, ei que sociandum, dicente domino: Si persecuti vos fuerint in vna ciuitate, fugite in alia. Si autem vtilitatis causa fuerit mutandum, non per se hoc agat, sed fratribus inuitantibus, & auctoritate huius sanctæ sedis faciat, non ambitus causa, sed vtilitatis.

*De episcopo qui principalem cathedram suæ Ecclesiæ negligit. Cap. LXXXI.*

*Ex cõcil. Rotoma. cap. 16.* **V**T non liceat episcopo principalem cathedram suæ parochiæ negligere, & aliam Ecclesiam in sua diocesi magis frequentare.

*De episcopis qui sedes suas negligunt, & in possessionibus suis longe positis diu morantur. Cap. LXXXII.*

*Ex cõcil. Sardicēsi. cap. 15.* **O**Sius episcopus dixit: Quia nihil prætermitti oportet, sunt quidam fratres & cõepiscopi nostri, qui nõ in ea ciuitate resident, in qua videntur episcopi esse constituti, vel certè paruam rem illic habeant: alibi autem idonea prædia habere noscuntur, vel affectionem proximorum quibus indulgeant. Hactenus permitti eis oportet, vt accedant ad possessiones suas, & disponant vel ordinent fructum laboris sui, vt post quatuor dies dominicos, id est, post tres hebdomadas, si morari necesse est, in suis potius fundis morentur, aut si est proxima ciuitas in qua est presbyter, ne sine Ecclesia videantur facere diem dominicum, illuc accedant, vt neque res domesticæ per absentiam eorum detrimentum sustineant, & non frequenter veniendo ad ciuitatem in qua episcopus moratur suspicionem iactantiæ & ambitionis euadant. Vniuersi dixerunt placere sibi.

*Vt episcopus singulis annis parochiam suam circumeat. Cap. LXXXIII.*

*Ex cõcil. Spalēsi. cap. 4.* **V**T singulis annis vnusquisque episcopus parochiam suam circumeat, populumque confirmet ac doceat, & ea quæ vitanda sunt prohibeat, & ea quæ agenda sunt, vtiliter agere suadeat.

*De episcopis qui raro aut nunquam per seipso plebes sibi commissas visitant. LXXXIIII.*

*Ex cõcil. Meldēsi. cap. 5.* **V**T episcopi qui plebes sibi creditas, aut raro, aut nõquam per seipso visitant iuxta ordinem euangeli-

cum & apostolicum atque ecclesiasticum, cum dominus Mosidicat: Speculatorem dedi te domui Israël, & audies ex ore meo verbum, & annuntiabis eis ex me, &c. à com-  
prouincialibus episcopis, acrius corripiantur.

*Vt episcopi presbyteros suos de ministeriis illorum diligenter discutiant. Cap. LXXXV.*

**P**Lacuit nobis atque conuenit, vt episcopi per singulas *Ex cōcil. Braggat. cap. 2.*  
Ecclesias & diœceses euntes, primùm discutiant clericos, quomodo ordinem baptismi teneant vel missarum, & qualiter quæque officia in Ecclesia peragant. Et si rectè quidem inuenerint, Deo gratias: Sin autem minimè, docere debent ignaros.

*Vt episcopus cum paucis suam parochiam circumueat. Cap. LXXXVI.*

**C**Um episcopus suam diœcesim visitat, nulli præ multitudi- *Ex cōcil. Toletano cap. 5.*  
tine onerosus existat, nec vnquam quinquagenarium numerum euectionis excedat, aut amplius quàm vna die per vnquamque basilicam remorandi licentiam habeat.

*Si episcopus parochiam suam visitare nequiuerit, viros probabilis vitæ pro se mittat. Cap. LXXXVII.*

**Q**uòd si episcopus, aut languore detentus, aut aliis *Ex eodē. cap. 6.*  
occupationibus implicatus visitationem diœceseos explorare nequiuerit, presbyteros probabilis vitæ, aut diaconos mittat, qui reditus basilicarum & reparationes, & ministrantium vitam inquirant.

*Qualem ministrum episcopus iuxta se habere debeat. Cap. LXXXVIII.*

**V**T quisque episcopus talem iuxta se pro viribus habere decertet, qui iuxta syncerissimum & purissimum sensum catholicorum patrum, fide & obseruatione *Ex cōcil. Meldēsi. cap. 3.*  
mandatorum Dei, seu & prædicationis doctrina, presbyteros plebiũ assiduè instruat & informet, ne domus Dei viui, quæ est Ecclesia, sine lucerna verbi diuini remaneat. Sed & idem talis existat, quem amor pecuniæ non vexet, aut reprehensibilis contemptibilem reddat. Hinc est, quòd quum Moses querelam in conspectu Dei poneret, non se posse portare tantum onus, quod ei fuerat impostum, audiuit à domino: Congrega mihi LXX. viros de senioribus Israël, quos tu nosti quòd senes populi sint ac